

TE KURA KAUPAPA MĀORI O WAIRARAPA

TE PŪTĀTARA



MŌHENI #9 WIKI 8, WĀHANGA 3 2021

NGĀ UARRATANGA



HE KŌRERO NĀ TE TUMUAKI

Tēnā tātou e te whānau

E tika ana ka rere ngā whakaaro ki tō tātou whaea, ko whaea Pasia kua riro e te ringa kaha. E moe, e moe, okioki atu rā i tō moenga roa tē whakaaratia. Ka kore koe e wareware i a mātou. Heoi, ka hoki anō ki a tātou te hunga ora ka nui rā ngā mihi matakuikui ki a koutou. Ka nui anō ngā mihi ki a koutou i haka tautoko mai i a mātou, i a tātou tamariki i a tātou e noho mohoao ana. He uaua taua mahi, heoi ka kore e mutu ngā mihi ki a koutou. Kua harikoa mātou i te hokinga mai ki te kura, te kite atu anō i a tātou tamariki.


Nō tērā wiki i whakapau werawera ngā tamariki mātou ko ngā kaiako ki te horahia te maramara rākau ki te papa tākaro hou o te kura waenga ake. He mīharo rawa te kite atu i te pukumahi a te katoa - he mahi tahi, he harikoa, he hīkāka anō hoki. I tēnei wā kei te tatari mātou kia tae atu he pae rākau ki Mitre 10 - kia tae atu ka whakaritea te tapanga kia pōkai i te papa tākaro o a tātou nohinohi, a tātou teina, ā, ka mahi tahi anō ki te horahia te maramara rākau - kātahi ka tūwhera ki a tātou tamariki.

Kāore hoki e roa ka tīmata tā tātou hanga, tā tātou whakarite i ngā maara hou ki waho atu i ngā akomanga - ki te wāhi i reira te papa tākaro i ngā tau kua hori ake nei. Taihoa ake mō ētahi atu kōrero.



PĀNUI

MUFTI DAY



MASTERTON SCHOOLS
MUFTI DAY
MASTERTON FOOD BANK
Friday 17th September

Instead of a gold coin donation, please bring at least 1 non-perishable food item.



KIA KAHA TE REO MĀORI

TE WIKI O TE REO MĀORI
14-20 MAHURU 2020

LEVEL 2

Unite
against
COVID-19



We are at alert level 2 until 11.59pm Tuesday 21st September. Masks are not required for students or staff. Please continue to drop and collect your child at the gate, any other queries please feel free to call the tari.



Te Pahi

Kia ora whānau.

Please don't forget to keep in contact with Whaea Te Paea about your bus needs and any day to day changes for your tamariki, ngā mihi.

MASTERTON SHUTTLES
027 961 3973
06 377 1923

KURA NOHINOHI

Tēna koutou katoa e ngā
whānau,

Kei te pai haere i ngā mahi mō tēnei
wāhanga ki roto i te akomanga o Kura
Nohinohi. Kua tīmata ētahi tamariki hou,
nō ngā whānau Fox, Poutu, me te whanau

Kawana. Kāore e roa ka mutu tēnei
wāhanga kia 20 ngā tamariki ki te whanau o
kura nohinohi. E ngā whānau hou, nau mai
piki mai.

Kei te whai tonu mātou ki ngā ture e 3 o te
akomanga, ā, ko te "Waewae hikoi", ā, te

Ringa Manaaki me te "Reo Mihi".

Me mihi ka tika ki ngā tamariki katoa e
tautokohia te ako.


Ko te kaupapa ako i tēnei wā, ko te Ira
tangata. I tirohia ngā tamariki ki ngā
mahi/haepapa ka whakamahia ki te kāinga
ki te kura hoki. Iako mātou me pēhea te
tiaki i ā rātou anō.

Kua huri ngā whakaaro ki te wā o Matariki
inaianei. I tēnei wiki kei te whakanuia te
kura katoa. Ka tīmata ngā mahi ki te
Karakia, ā kātahi ka whakatō rākau, ā, ka
kai-tahi tātou ki Kahurangi. Ka eke pahi
tātou mo te haerenga ki Maunga Horowai,
ā, kātahi ka hoki ai ki te kura ki te
mātakitaki he kiriata.

E ngā whānau nau mai tauti mai ki te
whakanui i a Matariki.

Ngā manaakitanga ki ā koutou katoa.

Nāku nā Whaea Hubba &
Whaea Tahi.



KURA TEINA

KA PŪ TE RUHA

KA HAO TE RANGATAHI

Nau mai hoki mai a muri i te noho mohoao,
waimarie tatou katoa.

Tuatahi ka mihi au ki to tātou whānau hou. I
tīmata ā Te Marino Pirere-Newton ki kura teina i
tēnei wāhanga, ko te tamāhine a Aroha raua ko
Roger. Nō reira nau mai haere mai e kō!

Ko te kaupapa whenu mo te wāhanga nei, ko te
tauira me te pānga, ā kei te ako mātou ki te
hangā he tauira tāruarua. Ko te kaupapa o te
pakirehua a ko 'ka pū te ruha, ka hao te
rangatahi' maha nga mahi i roto i tēnei kaupapa,
mai i ēnei wiki e whā, i ako mātou i ngā
whakapapa o ngā atua, me ngā haepapa o ia
atua, i ako ano mātou i te ahua tuakiri 'ko wai
au'. E whai ake nei ka tītīro ki ngā kai ā
Haumietiketike raua ko Rongomātāne.

He mea pai ano ki a rātou ko te purei kēmu
paati, ki te whiwhi piro mo to rātou rōpū, ā
hīkaka hoki mātou to ngā papa takaro hou...
ano hoki ko ngā īpapa hou o te akomanga!

HURO!!!!



KURA WAENGA KA PŪ TE RUHA KA HAO TE RANGATAHI.

E AKO ANA NGĀ TAUIRA KI TE MAHI TUITUI I ROTO I
TE TAUIRA ME TE PANGA MŌ TE PĀNGARAU. ANŌ
HOKI I RANGAHAU NGĀ TAMARIKI I ĒTAHI TANGATA
NŌ AOTEAROA I ROTO I TE TAU MAHEKEHEKE O TE
AO.



HĀKINAKINA

Large Ball Skills Relay - wāhanga 3, 2021

Nei rā te mihi atu ki te akomanga o Kura Waenga. He mihi hoki tēnei ki ngā whaea i kaha tautokohia i ngā kaiako. A whaea Denise, rātou ko whaea Tu me whaea Keri. Rawe ngā kōrero i puta mai mō ngā mahi hākinakina nei. Ko te manako, i rawe hoki ngā mahi hākinakina ki ngā tamariki.

Hei te tuawaru o te mārama o Māhuru, he kaupapa hākinakina anō e haere ake nei. Ko te "Have a Go Sports Day" mō ngā reanga ako tau 3 ki te 8. Nō reira, mena kei te wātea anō, he kaha hiahia nā koutou whānau mā te haere mai tonoa mai he karere mai ki ahau.



WHAREKURA


Te pō whakanui o...

Te Aho o Whātonga

Ko Te Aho Matua te tāhuhu o tōku kura

Ko ngā tikanga ngā heke

Ko te whānau ngā poupou



*E mihi kau ana ki ngā tauira
wharekura katoa i tū mō te Kapa
o Te Aho o Whātonga,*

KA WANI KĒ!

*I tū te pō whakanui i a mātou
tauira i tērā mārama. Te
ātaahua me te pūrotu hoki o ngā
kaihaka, ngā kaiako me ngā
whānau katoa i tae atu.*



NGĀ POU KAPA HAKA



Ko wai ngaa pou Kapa Haka?

Ko Logan Nia Nia mātou ko Kaia Mita ko Hinemaia Governor-Wiremu ngā pou Kapa Haka o te Kura nei. He mahi nui tā te Pou Kapa Haka. Ko ētahi ō a mātou mahi nui ko te whakaatu, ko te arahi i ngā teina kia tika ngā whanonga i te wā Kapa Haka, he whakarite rārangi waiata me te whakarite ko wai e tū ana ki hea. He mahi tuakana/teina te Kapa Haka. He rawe ki a mātou te noho tahi ki te whakawhanaunga ki te katoa o te kura. He mahi whakanui i tō tātou reo mā te waiata, ā, he kaupapa ātaahua e tōngia i tō tātou whakapapa rangatira o te Wairarapa. Tīhei Mauri Ora!

5.1 Ko ngaa ahuatanga ako katoa he mea mahi i roto i te koanga ngakau, me te whakaihūhi hinengaro.

Jutaki

TE KAIAKO...

**WHAEA
MARATA IHIAIA**

Ko Maungapōhatu te maunga
Ko Ōhinemataroa te awa
Ko Mataatua te waka
Ko Waikirikiri te Marae
Ko Toikairākau te whare tīpuna
Ko Hamua te hapū
Ko Ngai Tuhoe me Ngati Awa ngā iwi
Ko Marata Ihiaia tōku ingoa.



Hūnuku mai au i a Ōtautahi ki Whakaoriori i te tau 2000. Tokorua ōku tamariki. Ko Te Rangiwhakawaitau te mātāmua, Ko Findlay-Hoani te pōtiki. Ka whānau mai taku mokopuna tuatahi a te Hakihea o tēnei tau 2021. Kua rima tau inaiānei au e whakaako tamariki ana ki TKKM o Wairarapa. Tīmata au hei kaiāwhina i konei, arā, hei kairīwhi, ā, i riro ai au taku tohu kaiako i te tau 2015. Koinei au hei kaiako mō ngā tau 2-4.

Te kotahi nā Tūhoe, ka kata te pō
Mauriora!